

Moción para promover unha declaración institucional do Concello de _____ de rexeitamento á fumigación aérea con CASCADE por parte de ASPAPEL, coa avaliación da Xunta, para o control do goníptero do eucalipto.

- **Visto** que desde comezos do mes de abril algúns propietarios de montes particulares e Comunidades de Montes Veciñáis en Man Común veñen recibindo, os primeiros desde as súas PROMAS e as segundas directamente polo persoal da Consellería de Medio Rural, comunicacións instando a autorizar a fumigación aérea dos seus montes de eucalipto co produto Cascade.
- **Visto** que nesas comunicacións se informa de que as fumigacións son gratuítas, pola conta de ASPAPEL (organización das papeleiras), e van avaladas pola Xunta de Galicia e que o Cascade é inofensivo para as persoas e animais con pouca perigosidade para as abellas e insectos voadores.
- **Visto** que a normativa europea vixente contradi o mantido nas devanditas comunicacións nos seguintes termos:

● **DECISIÓN DA COMISIÓN de 9 de febreiro de 2012 relativa á non inclusión do flufenoxurón para o tipo de produto 18 nos anexos I, IA ou IB da Directiva 98/8/CE do Parlamento Europeo e do Consello, relativa á comercialización de biocidas (2012/77/UE):**

- apartado (5): a avaliación de riscos para os compartimentos ambientais obxecto de estudo, levada a cabo cun plantexamento realista, demostrou **efectos inadmisibles para o compartimento acuático**. Ademáis, as características do flufenoxurón fanno **persistente, bioacumulable e tóxico, así como moi persistente e moi bioacumulable**, de conformidade cos criterios establecidos no anexo XIII do Regulamento (CE) nº 1907/2006 do Parlamento Europeo e do Consello. Por conseguinte, non procede incluír nos anexos I, IA o IB da Directiva 98/8/CE o flufenoxurón para o seu uso no tipo de produto 18.
- artigo 1: o flufenoxurón (nº CAS 101463-69-8; nº CE 417-680-3) **non se incluírá nos anexos I, IA ou IB da Directiva 98/8/CE para o tipo de produto 18**.
- artigo 2: aos efectos do artigo 4, apartado 2, do Regulamento (CE) nº 1451/2007, os biocidas do tipo de produto 18 que conteñan flufenoxurón **deixarán de comercializarse con efectos a partir do 1 de agosto do 2012**.

● **DIRECTIVA 2009/128/CE DO PARLAMENTO EUROPEO E DO CONSELLO do 21 de Outubro**

de 2009 pola que se establece o marco da actuación comunitaria para conseguir un uso sostible dos plaguicidas:

– *artigo 9: Pulverización aérea, apartado 1: os Estados membros garantirán a prohibición das pulverizacións aéreas.*

- **Considerando** que de acordo co aquí exposto as fumigacións aéreas con flufenoxurón, tanto polo produto como polo método empregado, vulneran dobremente o actual marco xurídico europeo.

- **Considerando** que a *toxicidade* do flufenoxurón non afectará só ao gorgollo, senón tamén aos insectos polinizadores como as abellas (coas consecuencias que isto acarrearía para a agricultura) e o propio *Anaphes nitens* (o parásito empregado para o control biolóxico do gorgollo).

- **Considerando** que os efectos na agricultura poden ser especialmente prexudiciais para a agricultura ecolóxica, xa que debido á *persistencia* do flufenoxurón poderá dar positivo nas análises no chan durante anos.

- **Considerando** que segundo a UE se teñen demostrado *os efectos inadmisibles para os ecosistemas acuáticos*, polo que afectará gravemente aos nosos recursos pesqueiros e á riqueza dos nosos humidáis protexidos (LICs).

- **Considerando** que por todo o aquí exposto unha eventual fumigación aérea nalgún punto do noso concello podería afectar a todo o ámbito municipal, a través da dispersión aérea ou polas augas.

- **Considerando** que é *moi bioacumulable*, polo que no curto prazo supón un risco para toda a cadea trófica até chegar aos nosos veciños, non tendo sido os seus efectos na saúde desbotados pola UE.

O Pleno Municipal do Concello de _____ adopta os seguintes acordos:

Primeiro. *Non permitir as fumigacións aéreas con CASCADE no seu término municipal.*

Segundo. *Instar á Xunta a que non autorice as fumigacións con CASCADE previstas por ASPAPEL.*

Terceiro. *Estudar as medidas pertinentes para fomentar a nivel municipal unha xestión forestal sostible, que respecte o entorno e a saúde das persoas.*